



Publicaziuns dalla vischnaunca, jamna 7

Damonda da baghegiar

Nr. 2011-1005

Datum da publicaziun: 18 da fevrer 2011

Il patrun: Milo Sala Veni, Sentiero Trona 12, 6977 Ruvigliana

Il representant: Milo Sala Veni, Sentiero Trona 12, 6977 Ruvigliana

Object: Surbaghegiada cun duas casas A e B, parcella nr. 1235, Via Plauncas 8A ed 8B, 7180 Disentis/Mustér

Nr. 2011-1006

Datum da publicaziun: 18 da fevrer 2011

Il patrun: Milo Sala Veni, Sentiero Trona 12, 6977 Ruvigliana

Il representant: Milo Sala Veni, Sentiero Trona 12, 6977 Ruvigliana

Object: Surbaghegiada cun duas casas C e D, parcella nr. 3640, Via Plauncas 4C e 4D, 7180 Disentis/Mustér

Nr. 2011-1013

Datum da publicaziun: 18 da fevrer 2011

Il patrun: Pendicularas Mustér SA, Via Acletta 2, 7180 Disentis/Mustér

Il representant: Pendicularas Mustér SA, Via Acletta 2, 7180 Disentis/Mustér

Object: Meglieraziun dil trassé da pista, parcella nr. 2541, Gendusas Dadens/Cuolm da Vi, 7180 Disentis/Mustér

Nr. 2011-1014

Datum da publicaziun: 18 da fevrer 2011

Il patrun: Cuminonza da proprietaris en condomini parcella 984, Via Beier 8, 7180 Disentis/Mustér

Il representant: Florian Lutz-Deragisch, Via Veier 8, 7180 Disentis/Mustér

Object: Construcziun d'in mir da sustegn ed ina seiv nova, construcziun d'ina bargia da lenna, colurar la garascha, parcella 984, Via Veier 8, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 14-2-2011

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2011-2005

Carli Pally, Via Luzzas 5, 7180 Disentis/Mustér; finiastra nova ella fatschada sid, parcella 695, Via da Scola 1, 7180 Disentis/Mustér.



Nr. 2011-2007

Anselm Sialm, Via Foppas 30, 7186 Segnas; condensatur d'aria vid la fatschada nord dalla sechentaria da carn, parcella 100, Via Foppas 28, 7186 Segnas.

Nr. 2011-2009

Edgar Durschei, Via Ansauna 2, 7186 Segnas; engrondir ils eschs-nuegl, fatschada vest, baghetg sin parcella 53, 7186 Segnas.

Nr. 2011-2010

Dionys Steger-Schatz, Via Davos-Mustér 1, 7180 Disentis/Mustér; tetg sur eschs-nuegl, baghetg d'economia sin parcella 3576, Caischavedra, 7182 Cavardiras.

Encunter quellas decisiuns san ins protestar a scret enteifer 20 dis dapi la publicaziun alla suprazonza communal.

Disentis/Mustér, ils 14-2-2011
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 25 da fevrer 2011 allas 20.15** en stanza da sedutas el plaunterren dalla casa communal ad ina seduta.

Tractandas:

1. Protocol nr. 16-2009/2012
2. Center da sport e cultura: Remplazzament dil scaldament (messadi nr. 25-2009/2012)
3. Program d'activitad 2009–2012: Repassar ed adattar (controlling) (messadi nr. 06-2009/2012 actualisau)

La presidenta dil cussegl da vischnaunca

Lungatg official – romontsch sursilvan

La damonda dall'applicaziun dil lungatg official levanta dapresent grondas discussiuns, quei oravontut en connex cun l'introducziun da novs mieds d'instrucziun pil scalem inferior dalla scola primara.

Per la vischnaunca da Mustér ei il romontsch sursilvan il lungatg official. Quei ei francau el reglament davart il lungatg official communal, approbaus igl emprum da december 1996 en ina votaziun all'urna. Quella reglamentaziun ei da respectar e d'applicar sin tuts secturs. Ina midada pretendess ina nova decisiun dalla cuminonza dallas votantas e dils votants.

La suprazonza communal ei dalla perschuasiun, che quella posiziun corrispundi aunc adina alla voluntad dils vischins e vischinas.

Suprazonza communal



Resultats dalla votaziun federala e dallas votaziuns communalas dils 13 da fevrer 2011

Votaziun federala

Diember da votants 1625

Participaziun alla votaziun 50%

Iniziativa dil pievel «per la protecziun encunter la violenza entras armas»

Dau giu cedels 815

Cedels vits 3

Cedels nunvaleivels 1

Total cedels vits e nunvaleivels 4

Cedels valeivels 811

Gie 218 27%

Na 593 73%

Votaziuns communalas

Diember da votants 1602

Participaziun alla votaziun 50%

Scadenza avon temps dalla concessiun ed indemnizaziun persuerter

Dau giu cedels 785

Cedels vits 16

Cedels nunvaleivels 1

Total cedels vits e nunvaleivels 17

Cedels valeivels 768

Gie 701 91%

Na 67 9%

Nova concessiun pil dretg dallas auas al consorzi da studi Russein

Dau giu cedels 793

Cedels vits 11

Cedels nunvaleivels 1

Total cedels vits e nunvaleivels 12

Cedels valeivels 781

Gie 723 93%

Na 58 7%

Participaziun dalla vischnaunca all'Ovra electrica Russein SA

Dau giu cedels 800

Cedels vits 14

Cedels nunvaleivels 1

Total cedels vits e nunvaleivels 15

Cedels valeivels 785

Gie 716 91%

Na 69 9%



**Resultats dalla votaziun dallas vischnauncas da Disentis/Mustér e Sumvitg
«project da Russein» dils 13-2-2011**

Diember da votants 2589
Participaziun project communal 50,8%

Il retuorn a tschep avon temps dall'ovra Russein e l'indemnisaziun persuerter

Dau giu cedels 1305
Cedels vits 21
Cedels nunvaleivels 4
Cedels valeivels 1280

Gie 1199 94%
Na 81 6%

La nova concessiun dil dretg dallas auas al consorzi da studi Russein

Dau giu cedels 1319
Cedels vits 14
Cedels nunvaleivels 5
Cedels valeivels 1300

Gie 1225 94%
Na 75 6%

La participaziun dalla vischnaunca alla nova societad Ovra electrica Russein SA

Dau giu cedels 1325
Cedels vits 18
Cedels nunvaleivels 3
Cedels valeivels 1304

Gie 1217 93%
Na 87 7%

Declaronza da taglia 2010

L'administraziun cantunala da taglia ha tarmess tier las declaronzas da taglia per igl onn 2010. Persunas che han buca obteniu ina declaronza da taglia, ein obligadas da retrer ina declaronza tier igl uffeci da taglia communal. Medemamein sa vegnir retratg tier igl uffeci da taglia communal ulteriurs formulars da taglia. **Ils termins per inoltrar la declaronza da taglia ein fixai sco suonda:**

31 da mars 2011

Pagataglias cun activitad da gudogn dependenta, scolars, students, pensiunai, disoccupai e cuminonzas d'artavels.

30 da settember 2011

Pagataglias cun activitad da gudogn independenta, societads semplas sco era persunas domicilladas ordeifer il cantun Grischun cun schischom en vischnaunca.

Prolungaziun dil termin:

Damondas per ina prolungaziun dil termin d'inoltrar la declaronza da taglia ein da far a scret e quei avon ch'il termin d'inoltraziun croda. La damonda ei da tschentiar agl uffeci da taglia communal. Las damondas vegnan rispundidas mo sche quellas san buca vegnir risguardadas.



Suttascripziuns dils conjugals:

Conjugals che vivan giuridicamein ed effectivamein en ina lètg nunseparada ein suttames communitatein alla taglia. Omisdus conjugals ein obligai da suttascriver la declaronza da taglia. Sche la declaronza da taglia ei suttascretta mo d'in conjugal, survegn l'auter conjugal in termin. Suentar la scadenza da quei termin vegn supponiu la representaziun cun contract denter ils conjugals.

Per ulteriuras damondas stein nus bugen a Vossa disposiziun.

Uffeci da taglia Disentis/Mustér

Controlla da habitonts

Naschientscha

David Gadola, naschius ils 6 da fevrer 2011, fegl da Richard Gadola e Therese Burri Gadola.

Apparats d'udida

Gliendisdis, ils 28 da fevrer 2011 denter las 14.00 e las 16.00 saveis Vus schar schubergiar e regular Vies apparat d'udida en Casa da tgira Sursassiala. Arthur Jacomet fa quei survetsch per tuts interessents gratuitamein.

Liug: Casa da tgira Sursassiala, stiva da schiember.

Cordiala invitaziun
Casa da tgira Sursassiala

Cussegl pastoral/Cerchel social-caritativ

Nus envidein nossas senioras e nos seniors da passentar ensemen in suentermiezdi cun lotto **gievgia, ils 24 da fevrer** allas 14.00 el hotel Sax. Vegni ed empruei Vies cletg.

Preziadas parochianas, preziai parochians

Nus encurin persunas che havessen interess e plascher da sengaschar per nossa pleiv, per nossa baselgia ni per nos seniors.

Ils suandonts posts vegnan vacants: president/a, actuar/a, menader/ra dil Cerchel liturgic mo era per il Cerchel social-caritativ duvrassen gidonters/ras.

Per ulteriur sclariment, damondas ni annunzias stundel bugen a disposiziun: Laurenzia Cajacob, presidenta, tel. 081 947 56 43.



Verein Center sursilvan d'agricultura

Einladung zur 3. Generalversammlung

Donnerstag, 24. Februar 2011, um 20.15 Uhr in den Vereinsräumlichkeiten im Klosterhof Sala-plauna, Disentis.

Traktanden:

- Begrüssung
1. Wahl des Stimmenzählers
 2. Abnahme der Traktandenliste
 3. Protokoll der 2. Generalversammlung 2010
 4. Jahresbericht 2010
 5. Jahresrechnung 2009 mit Information
 6. Jahresrechnung 2010
 7. Bericht der Revisoren und Genehmigung der Jahresrechnungen
 8. Budget 2011
 9. Strukturanpassung
 10. Wahl von 3 zusätzlichen Vorstandsmitgliedern
 11. Mitgliederbeiträge
 12. Jahresprogramm 2011
 13. Diverses/Mitteilungen

Anträge von Mitgliedern sind bis **Montag, 21. Februar 2011**, schriftlich an info@mazzetta-bauing.ch oder telefonisch 076 344 37 21 beim Präsidenten Iso Mazzetta einzureichen.

Im Anschluss an die Versammlung offeriert der Verein einen Apéro. Alle Teilnehmenden sind herzlich dazu eingeladen.

*Verein Center sursilvan d'agricultura
Der Vorstand*

Invit dalla PCD Cadi alla radunonza da nominaziun per las elecziuns federalas 2011 cun viseta dil center sursilvan d'agricultura e dalla Sennaria Surselva SA , mardis, ils 22 da fevrer 2011 allas 19.30 a Mustér.

Viseta dil center d'agricultura e dalla Sennaria Surselva SA

Allas 19.30 serimnein nus avon l'entrada dalla Sennaria Surselva SA. Silvia Buchmann vegn ad accompagnar nus duront la viseta ella cascharia. Silsunter savein nus prender investa dalla stalla dalla claustra (en accompignament da Nicole e Pascal Scheuber). Cun ina cuorta presentaziun sur dil center sursilvan d'agricultura finescha nossa viseta.

Radunonza da nominaziun PCD Cadi allas 20.30.

Tractandas:

1. Avertura e beinvegni
2. Elecziuns dils dumbravuschs
3. Approbaziun dil protocol dalla radunonza da commembers dils 13 da settember 2010
4. Nominaziun per las elecziuns federalas 2011
5. Orientaziuns
6. Varia

Suenter la radunonza da nominaziun vegn offeriu in pign aperitiv.

Perstgisas ein d'inoltrar al president dalla partida. Sperond ad ina stedia participaziun.

Cordials salids
René Epp, president



Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:
Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:
Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.